

P. 551, L. 1【見身處中。表入實】《法華文句記》卷 9〈釋安樂行品〉：「住中既云見佛，表自當得八相，即分真無生忍位也。見身處中，表入實也。歡喜，以表入歡喜住，發心見中，與初地等，故亦云『喜』。得三總持，具三不退，『佛知』者，得記之由，下去得記可知。」(T34,p.323,a15-20)《妙法蓮華經文句》卷 9〈釋安樂行品〉：「既云『證不退智』『即為授記』者，當知得入初住，無生得記之位也。」(T34,p.124,b2-3)

P. 551, L. 1【得陀羅尼、三總持】《翻譯名義集》卷 5：「大論明三陀羅尼：一聞持陀羅尼。得此陀羅尼者。一切語言諸法耳所聞者。皆不忘失。即是名持。二分別知陀羅尼。得是陀羅尼。諸眾生諸法。大小好醜。分別悉知。故分別陀羅尼。即是義持。三入音聲陀羅尼。得此陀羅尼者。聞一切語言音聲。不喜不瞋。一切眾生如恒沙等。劫壽惡言罵詈。心不憎恨。一切眾生如恒沙等。以讚歎供養。其心不動。不喜不著。是為入音聲陀羅尼。即是行持也。法華明三陀羅尼：一旋陀羅尼。二百千萬億旋陀羅尼。三法音方便陀羅尼。淨名疏釋云。旋者轉也。轉假入空。得證真諦。百千萬億者。即是從空入假。旋轉分別。破塵沙惑。顯出恒沙佛法。法音方便者。即是二觀方便得入中道。」(T54,p.1131,c5-18)《法華經安樂行義》卷 1：「得三種陀羅尼門：一者總持陀羅尼。肉眼天眼，菩薩道慧。二者百千萬億旋陀羅尼。具足菩薩道種慧，法眼清淨。三者法音方便陀羅尼。具足菩薩一切種慧，佛眼清淨。是時即得具足一切三世佛法。或一生修行得具足。或二生得。極大遲者三生即得。」(T46,p.700,b8-14)

P. 551, L. 2【無生現前記】《首楞嚴三昧經》卷下，亦舉出四種授記，即：(一)未發心而與授記，謂有眾生往來「五道」，彼諸根猛利，好樂大法。佛知此人過若干百千萬億阿僧祇劫，當發菩提心，乃至得菩提，遂予授記。(二)適發心而與授記，謂有人久植德本，修習善行，好樂大法，有大悲心，普為眾生求解脫道，此人發心即入菩薩位。此等人適發心時，諸佛即與授記。(三)密授記，與《菩提資糧論》所舉之「隱覆授記」義同。(四)得無生法忍現前授記，謂有菩薩久集善根，於一切法得無生忍，佛知此人功德智慧悉已具足，則於眾中為其現前授記。「隱覆授記」：謂此人修行精進，固當授記，但恐其自聞授記，則志滿而不復更發精進之心；如不授記，復恐眾人生疑而謂此人修行精進，卻

不蒙授記，故佛以威神之力，密為授記當得作佛，使他人聞，不使其自聞。～  
《佛光大辭典》

P. 551, L. 6【慧行、行行】《摩訶止觀》卷3：「行有兩種。所謂慧行、行行。若三藏中慧行、行行。乃至圓中慧行、行行。慧行是正行。行行是助行。毘婆舍那能破煩惱。復須奢摩他力助正知見。正助兩行隨智而轉。如足隨眼。若三藏中。無常析觀是慧行。不淨、慈心等是行行。此兩行隨析智入空也。若通中。體法如幻化是慧行。歷一切法數息、念處、緣事、止觀是行行。此兩行隨體法智入空也。若為化眾生。修道種智、緣俗理。屬慧行。緣俗事者屬行行。此兩行隨道種智入假也。若中道緣於實相。一道清淨是慧行。歷一切法門諸度皆是摩訶衍。十二因緣即是佛性。念處即是坐道場等。是行行。此兩行隨中智入實相也。」(T46,p.30,b13-27)

P. 551, L. 6【四等】四無量心：慈悲喜捨。蓋從心而言，平等緣於一切，故稱四等、四等心。若從所緣之境而言，其所緣之眾生無量，故稱四無量。～《佛光大辭典》

P. 551, L. 8【不以二相見於如來】《文殊師利所說摩訶般若波羅蜜經》卷1：「如是，世尊！我實來此欲見如來。何以故？我樂正觀利益眾生。我觀如來，如如相、不異相，不動相、不作相，無生相、無滅相，不有相、不無相，不在方、不離方，非三世、非不三世，非二相、非不二相，非垢相、非淨相。以如是等正觀如來，利益眾生。」佛告文殊師利：「若能如是見於如來，心無所取亦無不取，非積聚非不積聚。」(T08,p.726,b16-23)《維摩詰所說經》卷1〈弟子品3〉：「有佛、世尊，得真天眼，常在三昧，悉見諸佛國，不以二相。」(T14,p.541,b5-6)《注維摩詰經》卷3〈弟子品3〉：「肇曰。真天眼。謂如來法身無相之目也。幽燭微形。巨細兼觀。萬色彌廣。有若目前。未嘗不見而未嘗有見。故無眼色之二相也。二乘在定則見。出定不見。如來未嘗不定。未嘗不見。故常在三昧也。」(T38,p.355,a20-24)湛然《維摩經略疏》卷5〈弟子品3〉：「不同梵王外道有為作相，不同二乘無為偏真，冥然無見。又不以二相者，中道真天眼，非二諦之相，而能遍照四土二種生死，死此生彼，依正並現王三昧中，即是真天眼也。」(T38,p.627,c20-24)

P. 551, L. 8【**後心菩薩入金剛定**】「後心菩薩」，**等覺**者，去後妙覺位，猶有一等，故名為等。勝前諸位，故稱為覺，即**最後心菩薩**也。～《三藏法數》「金剛定」，**金剛喻定**，金剛三昧。菩薩於最後位斷最極微細煩惱之禪定名也。其智用堅利，譬如金剛。～《佛學大辭典》

P. 551, L. 9【**灌頂授職**】又作「授職灌頂」。【**灌頂**】以水灌於頭頂，受灌者即獲晉陞一定地位之儀式。原為古代印度帝王即位及立太子之一種儀式，國師以四大海之水灌其頭頂，表示祝福。據舊華嚴經卷二十七〈十地品〉載，菩薩自第九地入第十法雲地時，諸佛以智水灌其頂，以為受法王職之證明。～《佛光大辭典》《大方廣佛華嚴經》卷 27〈十地品 22〉：「菩薩摩訶薩亦如是，受職時，諸佛以智水灌是菩薩頂，名**灌頂法王**，具足佛十力故，墮在佛數，是名諸菩薩摩訶薩大智慧職地。以是職故，菩薩摩訶薩受無量百千億萬苦行難事，是菩薩得是職已，住法雲地，無量功德，智慧轉增。」(T09,no.278,p.572,b19-25)

P. 552, L. 2【**金光明最勝王經**】《金光明經》之別譯本，**十卷**，**唐義淨譯**。本經譯本有五種，其中北涼曇無讖譯《金光明經》，四卷，為智者大師之《玄義》、《文句》所採用；《金光明最勝王經》為譯本中最後出而最完備者。～《佛光大辭典》《金光明最勝王經》卷 2〈夢見金鼓懺悔品 4〉：「爾時，**妙幢菩薩**親於佛前聞妙法已，歡喜踊躍，一心思惟，還至本處。於夜夢中見**大金鼓**，光明晃耀猶如日輪，於此光中得見十方無量諸佛，於寶樹下坐琉璃座，無量百千大眾圍遶而為說法。見一婆羅門桴擊金鼓，出大音聲，聲中演說微妙伽他明懺悔法。」(T16,p.411,a17-24)《金光明經》卷 1〈懺悔品 3〉：「爾時**信相菩薩**即於其夜夢見**金鼓**，其狀殊大，其明普照，喻如日光；復於光中得見十方無量無邊諸佛世尊，眾寶樹下坐琉璃座，與無量百千眷屬圍繞而為說法。見有一人似婆羅門，以杵擊鼓，出大音聲，其聲演說懺悔偈頌。」(T16,p.336,b11-16)

P. 552, L. 2【**有夢**】《妙法蓮華經文句》卷 9〈釋安樂行品〉：「夢者，從須陀洹至支佛悉有夢，唯佛不夢，無疑、無習氣故不夢。從五事故有夢，**如偈說**：以疑心、分別、學習、因現事、非人來相語，因此五事夢。又是所更聞見及諸患，為七事故有夢。現在意識尚不見色，云何夢中意地見色？答：皆是曾見、曾聞故想耳。又是吉、不吉相耳。夢中無通、無宿命智，云何能見未來世事？

答：此非願智境界，乃是比知。諸人曾有如是夢、如是果，今以比知耳。問：誰眠？答：五道及中陰皆有眠，在胎諸根具者亦是眠，乃至佛亦眠。問：眠是愚是蓋，此云何通？答：佛起現前欲調身故眠，非蓋非愚眠也。」(T34,p.124,b18-c1)  
「如偈說」：參考《阿毘曇毘婆沙論》卷 20〈無慚愧品 5〉(T28,p.145,a23-c2)

《法華經授手》卷 7：「此段大意有三：一謂法師能依四行弘經。則已貫徹五十五位階級。但因中密行。未及至果。是將成未成之相。故隨心現起於夜夢中。令法師歡喜安隱。自銳其志。取足道果。此是如來冥加之力也。二者。法師既具四行之因。定有一真之果。故先夢權行。漸次取證。至後智滿。乃夢八相成道。以終道行首尾一如也。三者。法師雖則依因取果至如來地。然亦迹門幻事。如水月空華。心佛眾生。皆是夢事。更有本門大旨。眾生心佛。皆悉不到。故重重舉夢。以起下文開迹顯本之大案也。」(X32,p.757,a12-22)